

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Ad Lectores Præfatio.

---

[urn:nbn:de:hbz:466:1-70772](#)



## A D L E C T O R E S P R A E F A T I O .



N lectores candidi Magiz̄ o-  
pus fere absolutum; quod si ab  
adolescente vix tum quintum  
& decimum annum agēte, vix  
ex ephebis egresso excusum,  
tanto omniū plausu & animi  
alacritate exceptū est, vt in plures linguas trās-  
latum, Italicam, nempe Gallicam, Hispānicā,  
& Arabicam, ijsdemq; locis sāpenumero typis  
mandatū, per multorum manus & ora volita-  
uerit, nunc à quinquagenario prodiens spero  
charius & plausibilius exceptum iri. Etenim  
quum vidissēm operis primitias tā grato ani-  
mo exceptas, hisce mot⁹ auspicijs enīxus sum,  
vt auctius, locupletius & nobilius excuderetur.  
Ab eo igitur quo primum editum est tēpore,  
(iam quintus & trigesimus agitur annus) si vlli  
vnquā grauior incubuit cura, vt naturę secretā  
patefaceret; ego eum mē esse plane possū pro-  
fiteri. Toto enim animo, totisq; viribus maio-  
rum nostrorū monumenta peroului, & si quid  
arcani, si quid reconditi scripsissent, de florauit;  
dein quum Italiam, Galliam, & Hispaniā pera-  
grassem, bibliothecas, & doctissimos quosque  
adij: artifices etiam cōueni, vt si quid noui cu-  
riosiq; nacl̄i essent, ediscerem, quæ longo vſu  
verissima & vtilissima cōprobassent, agnosce-  
rem.

P R A E F A T I O.

rem. Vrbes & viros, quos videre non contigit, crebris epistolis sollicitauit, ut reconditorum librorum exemplaria; vel si quid haberent noui, comunicarent, non pretermisisse precibus, munieribus, commutationibus, arte, & industria. Hinc vniuerso hoc tempore quicquid ubiq; terrarum eximium erat, aut expetendum, tum librorum, tum præstantissimarum rerum, mihi cumulatissime conquisitum est; ut cumulatior auctiorq; Naturæ hæc supellex foret. Itaq; intensissimo studio, pertinaciq; experientia, perdius atq; pernox periclitabar quæ legeram vel audieram, vera ne essent, an falsa; ne intentatum aliquid remaneret: quum saepius Ciceronis sententiæ meminassem, qui sic inquit: Par est eos, qui generi humano res utilissimas & perpensas, exploratasq; memoriæ tradere concupierint, cuncta tentare. Quibus periclitandis, nullis laboribus, nullis sumptibus pepercis: res angustas meas, augusta magnificētia impendi. Nec defuere quoque labor, diligentia, & opes clarissimorū Heroum, magnatum, nobilium, & doctissimorum virorum, & præcipue (quem honoris causa memoro) Illustriſſ. & Reuerendiss. Cardinalis Estensis; qui omnes nostro huic operi gratuitam benignamq; operā præstiterūt. Nec domi meæ defuit vñquam curiosorum hominum Academia; qui in his vestigandis experiendisq; collato ære strenuam alacremq; operā nauarent; quiq; hoc opere concinando augendoq; maximo mihi fuere adiumento. Hęc igitur tatis impēsis, labore, & studio

) ( 4

P R A E F A T I O.

parata, num in lucem venire paterer, iam sar-  
cinulas colligens, anxius animi hærebam: nam  
multa sunt præstantissima, & summis Heroi-  
bus digna, quæ si ignari homines, nec dum sa-  
ceris Philosophiæ initiati assequerentur, vilesce-  
rent utique, & spernerentur. Ait Plato ad Dio-  
nysium; Philosophiam videntur ridiculam fa-  
cere, qui agrestibus & prophanis viris hæc tra-  
dere conantur. Præterea multa sunt noxia, &  
malefica, quæ in manus impiorum improbo-  
rum q; hominum peruenientia, damnum ali-  
cui inferre possent. Quid igitur faciendū? Pro-  
fligetur, rejiciatur inuidia; vincat posteros iu-  
uandi voluptas; augustissimæ Naturæ magna-  
lia non occultanda, nō reticenda; vt in eis sum-  
ma Dei potestas, benignitas, & sapientia laude-  
tur, colatur, & veneretur. Quantulacunq; fue-  
rint, vobis expono: sedulitatem, & propensi-  
mam voluntatem in vos fuisse agnoscatis: im-  
probi certe viri crimē, si hæc occulta subticuis-  
sem, subiturum me vererer. Transfert Cicero  
à Platone: Non nobis solum nos esse natos, sed  
partem patria, partem parentes & amici sibi  
vindicare debent. Vnde quæ haec tenus in pro-  
digiosæ Naturæ gremio delituerant, è prom-  
ptuarijs testatissimorum virorum in lucem e-  
mergant, sine fuso & fallacijs. Ea pandimus  
quæ tacuerunt diu, vel scientis inuidia, vel ne-  
scientis inscita; ubi nō inanes nugas, non æni-  
gmata audietis, aut meras aliorum authorita-  
tes. Nec nobis visum est honeste errare, opti-  
mos sequendo duces. Magnifica & præstantis-  
sima

P R A E F A T I O.

simus aliquo artificio obuelauimus , veluti verborum transpositione , & depressione : quæ noxia & malefica , obscurauimus ; non ita tamen ut ingeniosissimus quisq; detegere & percipere non possit ; nec tam clare , vt ignaræ turbæ prostant : nō tam occulte , quin ingenium per quirentis accipiat ; nec tam aperte , ut in recessu eadem , quæ in fronte promittant . Ut ilia & nota aliqua apposuimus ; quia verissima . Ex notissimis aliquando & vilissimis ad utilia & excelsa perueniuntur , & quæ vix mēs percipere potest . Intellectus noster , nisi verissimis principijs initatur , non potest alta & sublimia speculari . Mathematica scientia , ex tritis & vulgatis quibusdam ad multa ardua & sublimia superuehitur : unde vera potius & utilia , quam falsa & magna scribere visum est . Vera , quantulacunq; fuerint , ansam maiora excogitandi præbent . Incomprehensibilis rerum infinita multitudo , & in infinitum se porrigit , maiorq; est , quam ut ab hominibus considerari possit . Inscribendo maiorum nostrorum , vel recentiorum scripta apponemus , mox , vera , an falsa , fuerint , à nobis experta prodimus ; post , nostra inuenta , ut videat docti , quam præclare recentiorum ætas antiquam superauerit : nam multi sunt , qui scripserunt , quæ nunquam viderant , nec dum simplicia nouerant opus subingredientia , sed alienis traditionibus connato & importuno quodam adiiciendi studio descripti runt . Sic successiue errores propagantur , & in immensum postremo augescunt , ut ne vestigia

P R A E F A T I O.

quidem primorum appareant, vt non solum  
difficilis experimenti, sed ne sine risu quidem  
frequenti legi possint. Præterea multos omitti-  
mus, qui dum mira ad posteros noscēda trans-  
mittunt, & montes pollicentur aureos: diuer-  
sum ab eo scribant, quam creditum ab eis sit.  
Vnde ingenio præditos sublimiori, discēdi cu-  
pidiores, longissima temporis intercapidine  
detentos, (quod se illa assequi posse diffidant,  
seqꝫ operam & oleum contriuisse intelligent)  
desperatione actos sero pœnitet: alij deinde a-  
lienō periculo sapientes facti, prius hæc odiſſe  
discunt, quam nosſe. Secreta in suas classes di-  
uisimus, vt habeat quisque quod ſibi placeat.  
Tandem libenter veſtras aures offendere præ-  
teriſſem, ſi obtrēctatorum inuidorumq; ca-  
lumnias refellere curæ non eſſet, qui mē ſatis  
immodeste lancinant, putantes me Magum  
veneficum eſſe, quod nomen à teneris vngui-  
culis exhorruī, & vanum putauī. Evidem mē  
ſemper hominem existimauī, fallacijs & erro-  
ribus obnoxiū: exoraui doctiſſimos quoſ-  
que, ſi quid non fideliter interpretatum, re-  
darguerent: ſed quod ſemper formidaui, acci-  
dit, vt in viliffimum & perosum quoddam ge-  
nus hominum inciderim, quod ex aliorum in-  
iuria, iusta, vel iniusta, ſordidam gloriolā, ple-  
beiam & popularem auram captant: quorum  
virulentis morsibus conuulnerati non conta-  
bescunt, ſed in ſe virus retorquentes, ſuam fa-  
mam potius proſternunt. Gallus quidam in  
ſuo libro de Dæmonomania, me Magum ve-  
neſicum

P R A E F A T I O .

neſiem putat, librumque hunc meum olim  
excusum, igne dignum putat, quod scripto-  
rim lamiarum vnguentum, quod ego ad dete-  
standas dæmonum strigumve fraudes attule-  
ram; vt, quæ natura ipsa eueniunt, in super-  
stitionibus abuterentur; quod ex satis lauda-  
torum Theologorum libris excerpseram. In  
hoc quid peccavi, cur venefici nomen merui?  
Sed quum multos nobiles, & literatos viros  
Gallos, qui maximo honore me conuenire di-  
gnantur, percontarer, quisnam homo sit iste?  
Responderunt hæreticum esse, qui que in festo  
Diui Bartholomæi, quæ die cunctis eiusmo-  
di impijs hominibus cædes indicebatur, è spe-  
cula præceps periculum enasit. Ego interim  
Deum opt. max. rogabo (vt virum nobilem  
& Christianum decet) ad Catholicam Roma-  
nam fidem conuersus, ne sit ipse viuus igni  
damnandus. Alter Gallus, quum omnes sui  
seculi literatos indigne damnet, me illis adne-  
dit; solos tres Medicos, suos amicos, quasi  
omnium nostri qui doctissimos, laudandos  
censet; quos inter seipsum connumerat; quum  
ipsius liber sine authoris nomine circumfera-  
tur. Proh Deum immortalem, quale laudis ca-  
ptandæ homo iste commentum reperit? qui,  
quum neminem habeat, qui eum laudet, neq;  
dignus laudari censetur, seipsum laudat. Alios  
omitto eiusmodi farinæ homines, qui me etiā  
Magum veneficum existimant; quum nil vn-  
quam hic, vel alibi à me tractatū sit, quod inter  
Naturæ promæcia non contineatur. Accipite

P R A E F A T I O.

igitur, studiosi lectores, labores longos, non  
sine studio, vigilijs, sumptibus, & incommodis  
plurimis, quo elargimur animo, & mentis, ani-  
miq; cæcitatē, atq; inuidiam tollite, quæ men-  
tis aciem præstringere, & veritatem impedire  
solet: rectoque iudicio res perpendite, dum ea  
periclitamini, quæ conscripsimus: nam verita-  
tem & vtilitatem simul comperiētes, meis for-  
tasse studijs æquiores fueritis: quamquam me  
non latet, inscios multos non defore, & omni  
re seria feriatos, qui hæc inuisant, & inuideant,  
& aliqua non solum falsa, sed ne posse quidem  
fieri, temere affirment, dumq; argumentis, &  
vanis disputationibus verum euertere nitun-  
tur, faciunt næ intelligēdo, vt nihil intelligent,  
& sua prodatur inscitia. Isti, veluti prophani, à  
Magie Naturalis nostrę limitib. arceri debent.  
Qui enim Naturæ miraculis fidem non adhi-  
bent, ij modo quodam Philosophiam conan-  
tut abolerere. Quod si aliqua prætermisimus,  
vel inconcinne diximus: Scio nil esse tam or-  
natum, quod expoliri non possit; nec  
tam plenum, quod incremen-  
tum accipere ne-  
queat.

INDEX